

Enn Od pou nou Segá

Bann lipie elegán anmouvman ar later
Pe foy kontak ritme dan enn kadans primer;
Bann vibration sonor dan lanbians san zefor
Pe balans bann laans, asoupli bann lekor;
Lapo bouk mor redi triyang nouvo nesans,
Dan enn jalsa lagam ladans ploy so lamans.
Mo vini!

Mo vini! Fraz mazik antik ki dres latet
Depi dan vant later avan let alfabet;
Depi dan profounder pli profon ki Lafrik
Fraz kominion primer napa konn lot lozik
Apart amenn ansam tou dimounn dan zouisans
Pou soud bann lien intim, garanti lesperans.
Ti-la-e!

Ti-la-e? Dan panie? Dan kazot? Akot zot,
Mazisien kreater, Apsara, Pigmalion
Ki ti bizin poli diaman brit lor lakot,
Kas lasenn sediksion lasirenn ilizion?
Get sa zoli ti fam ki roule do baba!
Pran li dan to lebra! Samem Larenn Segá!
Mo vini!